

Morning Dogri (NSD) National News Bulletin 28-07-2024

आकाशवाणी

1. प्रधानमंत्री नरेन्द्र मोदी होर अज्ज बडलै 11 बजे आकाशवाण पर “मन की बात” कार्यक्रम च अपने बचार सांघे करगंन।
2. राष्ट्रपति द्रौपदी मुर्मू होरें बक्ख-बक्ख राज्यें च नमें गवर्नर नियुक्त कीते न। गुलाब चंद कटारिया होर पंजाब दे गवर्नर होंगन।
3. विदेश मंत्री डॉ. एस.जयशंकर होरें आतंकवाद ते साईबर अपराधें गी रोकने आस्तै सख्त कारवाई दा आह्वान कीता ऐ।
4. पैरिस ओलंपिक च भारत दी मर्दे दी हॉकी टीम नै न्यूजीलैंड गी 3-2 कन्नै हराया।
5. श्रीलंका च खेड्डी जा'रदी टी-20 मैचें दी श्रृंखला दे पैहले मैच च भारत नै मेजबान टीम गी 43 रंजें कन्नै हराई दित्ता ऐ।

<><><><><><>

PM-Mann Ki Baat

प्रधानमंत्री नरेन्द्र मोदी होर कल बडलै 11 बजे आकाशवाणी थमां “मन की बात” कार्यक्रम राएं देस ते विदेश दे लोकें कन्नै अपने बचार सांझे करगंन। एह महावार इस रेडियो कार्यक्रम दी 112मीं किशत होग। एह श्री मोदी हुंदे लगातार त्रीह बारी प्रधानमंत्री बनने दे परैंत इस कार्यक्रम दी दूई किशत होग। एह कार्यक्रम आकाशवाणी, दूरदर्शन, एयर न्यूज़ वैबसाईट ते न्यूज़ ऑन एयर दे सारे नेटवर्क उप्पर प्रसारत होग। इस कार्यक्र दा सिद्दा प्रसारण आकाशवाणी समाचार, डी.डी.न्यूज़, पीएमओ ते सूचना ते प्रसारण मंत्रालय दे यूट्यूब चैनलें उप्पर बी कीता जाग। आकाशवाणी इस कार्यक्रम दा प्रसारण हिंदी भाषा च होने दे तुरत परैंत क्षेत्रीय भाषाएं च बी करोग।

<><><><><><>

PM-Niti Aayog

प्रधानमंत्री नरेन्द्र मोदी होरें आखेआ जे विकसित भारत @ 2047 सब्बने भारतीयेंद । सुखना ऐ। नीति आयोग दी 9मीं गवर्निंग काउंसल दी बैठक गी कल संबोधत करदे होई प्रधानमंत्री होरें आखेआ जे राज्य इस लक्ष्य गी हासल करने च महत्वपूर्ण भूमिका नभाई सकदे न की जे ओह लोकें कन्नै सिद्धे तौर पर जुड़े दे हुंदे न। उनें आखेआ जे एह दशक परिवर्तन, तकनीक, विश्व स्तर पर राजनीतिक तब्दीलीएं आला ऐ। प्रधानमंत्री होरें आखेआ जे भारत गी इनें मौके दा लाह ठोआना लोड़चदाते वैश्विक स्तर पर निवेश लेई काबल बनना लोड़चदा। उनें आखेआ जे भारत गी विकसित राष्ट्र बनाने बक्खी ऐ, महत्वपूर्ण गैई च इक ऐ। इस मौके पर प्रधानमंत्री होरें राज्यें दे महत्व गी उजागर करदे होई गलाया जे विकसित राज्य गै विकसित भारत दा निम्नण करगन। एह बैठक कल राष्ट्रपति भवन दे कल्चरल सेंटर च लग्गी, जेह्दे च नीति आयोग दे उपाध्यक्ष सुमन बेरी ते राज्यें ते केन्द्र शासत प्रदेशें दे मुख्यमंत्री ते उपराज्यपाल, केन्द्रीय मंत्री ते नीति आयोग दे सदस्यें हिस्सा लैता।

<><><><><><>

Governors

राष्ट्रपति द्रौपदी मुर्मू होरें किश राज्यें च नमें गवर्नर नियुक्त कीते न। महाराष्ट्र विधानसभा दे साबका स्पीकर हरिभाऊ किसनराउ बागड़े होरें गी राजस्थान दा गवर्नर लाया गेआ ऐ। त्रिपुरा दे साबका उपमुख्यमंत्री जिष्णु देव वर्मा होरें गी तेलंगाना दा गवर्नर नियुक्त कीता गेआ ऐ। राजस्थान थमां साबका राज्यसभा सांसद ओम प्रकाश माथुर होरें गी सिक्किम दा गवर्नर लाया गेआ ऐ। साबका केन्द्रीय मंत्री संतोष कुमार गंगवार होर झारखंड दे गवर्नर नियुक्त कीते गे न। असम थमां साबका लोकसभा सांसद रामेन डेका होर छत्तीसगढ़ दे गवर्नर लाए गे न। कर्नाटक दे साबका मंत्री सी.एच. विजय शंकर होरें गी मेघालय दा गवर्नर नियुक्त कीता गेआ ऐ। झारखंड दे मजूदा गवर्नर सी.पी.राधाकृष्णन होर महाराष्ट्र दे गवर्नर नियुक्त कीते गे न। असम दे मजूदा गवर्नर गुलाब चंद कटारिया होर पंजाब दे गवर्नर लाए गे न। ओ चंडीगढ़ संघ शासत प्रदेश दे एडमिनस्ट्रेटर बी होंगन। सिक्किम दे मजूदा गवर्नर लक्ष्मण प्रसाद आचार्य होर असम दे गवर्नर नियुक्त कीते गे न ते उनें गी मणिपुर दे गवर्नर दा बाद्दू कार्यागार बी दित्ता गेआ ऐ। साबका आईएस अधिकारी के.कैलाश नाथन होरें गी पुदुचेरी दा उपराज्यपाल नियुक्त कीता गेआ ऐ।

<><><><><><>

Jaishankar

विदेश मंत्री डॉ. एस.जयशंकर होरें आखेआ जे अंतर्राष्ट्रीय सैहयोग गै दुनिया दा कल्याण दे वैश्विक समुदाय दी सुरक्षा गी पक्का करदा ऐ। कल वियनतियाने के लाओ पीडीआर दे 31में आसियान क्षेत्री मंच पर उनें आखेआ जे नमीं प्रौद्योगिकी दा प्रसार ते वैश्वकरण दी लगातार निर्भरता दा गलत फायदा नेई चुक्कना चाहिदा। डॉ. जयशंकर होरें आखेआ जे कोविड, संघर्ष, जलवायु बदलाव हुने आली गलत हालत गी उजागर करदे न। उनें इस गल्ल पर जोर पाया जे सिर्फ आर्थिक सहायता, राजनीति, प्रौद्योगिकी ते संपर्क दे जरिये हल निकली सकदा ऐ। विदेश मंत्री होरें आखेआ जे असें आतंकवाद दे सारे रूपे कन्ने मकाबला करने, आतंकी ठकानें ते संयुक्त राष्ट्र तरफा प्रतिबंधत आतंकवाद सरबन्धी पैसा उपलब्ध कराने दे नेटवर्क गी खत्म करने ते साइबर अपराध कन्ने निबड़ने च मजबूत होना लोड़चदा। उनें पक्का कीता जे भारत समुंद्री सुरक्षा , मुक्त जल यातायात ते मुक्त वायु मार्गे दे महत्व गी समझदा ऐ ते कुसै बी टकराव दा मतभेद दा निपटारा संयुक्त राष्ट्र दे नियमें ते अंतर्राष्ट्रीय कनूनें मूजब चाहंदा ऐ।

<><><><><><>

Jaishankar-Japan

विदेश मंत्री डॉ. एस.जयशंकर होर जापान दे अपने दक्त दिनें दे दौरे पर टोक्यो पुज्जी गे न। जापान च भारत दे अम्बैस्डर सिबी जॉर्ज होरें विदेश मंत्री हुंदा पुज्जने पर सुआगत कीता। जापान दे अपने हमरूतबा हुंदे साददे पर डॉ. जयशंकर होर क्वाड दी मीटिंग च हिस्सा लेंगन। बैठक च भारत, जापान, अमरीका ते आस्ट्रेलिया दे विदेश मंत्री, पिछले ब'रे सितम्बर च न्यूयार्क च लग्गी दी बैठक च होए दे बचार बमर्श बो गल्लबात करगंन ते हिंद प्रशांत खेत्तर च हांड दी तरक्की दे कन्नो कन्नी क्वाड दी तरफा पैहलकदमिएं ते उंदे कार्यदल आस्सेआ हासल प्रगति दी समीक्षा कीती जाग। इस दरान मंत्रीगण क्षेत्रीय ते वैश्विक मुद्दे पर सोच बचार करगंन ते मुक्त प्रशांत महासागर क्षेत्र दे सांझे लक्ष्यं गी हासल करने लेई भविष्य च रली मिलियै कम्म करने पर बी गल्लबात कीती जाग। इस खेत्तर च मजूदा प्राथमिकता पर जोर देने बारे बी बचार बमर्श होग।

<><><><><><>

Olympic

पैरिस ओलंपिक दा पैह्ला ध्याड़ा भारतीय खडारिणं लेई उपलब्धिणं भरेआ रेआं महिलाएं दे 10 मीटर एयर राइफल मकाबले च मनु-भाकर होरें क्वालीफिकेशन मकाबले च त्रीय थाहर हासल करियै फाइनल लेई अपनी थाहर पक्की करी लेई ऐ। तोआई भारत दी मर्दे दी हॉकी टीम नै शुरूआती पूल-बी मैच च न्यूजीलैंड गी 3-2 कन्ने हराइयै अपना दबदबा बनाई दित्ता। भारत नै बैडमिंटन च अपना बेहतर प्रदर्शन कीता। चिराग शेट्टी ते सात्विक सिराज रनकी रेड्डी दी जोड़ी नै पैहले ग्रुप स्टेज मैच च फ्रांस दे लुकस लोरी ते रोन्न लबर दी जोड़ी गी हराई दितता। तोआई मर्दे दे सिंगल्स ग्रुप-एल मैच च दुनिया दे 18में नंबर दे खडारी लक्ष्य सेन नै 5 बारी ओलंपिक दे विजेतारेई चुके दे केविन कॉर्डन गी 21-8, 22-10 कन्ने हराई दित्ता।

<><><><><><>

Women Cricket

श्रीलंका च कल शुरू होए दे टी-20 अंतर्राष्ट्रीय मकाबले च भारत नै अपने पैहले मैच च मेजबान टीम श्रीलंका गी 43 रंज कन्ने हराइ दित्ता। भारत नै पैहले बल्लेबाजी करदे होई 20 ओवरें च 7 विकेटां मुहाइयै 213 रंज बनाए, जेह्दे परते च श्रीलंका दी टीम 170 रंज उप्पर गै सिमटी गई। इस श्रृंखला दा दुआ मैच ऐतवार संजा खेड्डेआ जाग। तोआई महिलाएं दे एशिया कप टी-20 क्रिकेट च अज्ज भारत दा मकाबला श्रीलंका कन्ने दम्बुला अंतर्राष्ट्रीय स्टेडियम च दपैहरी 3 बजे शुरू होग। हरमनप्रीत कौर दी अगुवाई च भारतीय टीम 8मीं बारी एह् खिताब अपने नां करने लेई मैदान च उतरग।

<><><><><><>